



Nuuk, 10. marts 2015

UPA2015/104

Allagaateqarfeqarneq pillugu Inatsisartut inatsisartut inatsisaat nr. xx, xx.xx 2015-imeersoq

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Allagaateqarfeqarneq pillugu inatsisartut inatsisissaattut siunnersuut Partii Naleqqamiit imannak oqaaseqarfigissuarput.

Inatsisip 1998-imeersup nutarterneqarnissaa ullutsinnullu ineriartornermut naleqqussarnissaa aamma inatsisartut Ombudsmandiata siusinnerusuklut uparuaasimaneranut naapertuuttumik iluarsiiisoqarnissaanik piviusunngortitsinissaq Partii Naleqqamiit paasilluarlugu taperserparput.

Minnerunngitsumik aamma oqaluttuarisaanermi uppernarsaatissat qulakkeerluarneqarnissaat pigiinnarneqarnissaallu qulakkeerniarlugit.

Aamma nalunaarsuisarnermut toqqorsiveqarmullu pilersaarutinik suliaqartarneq kiisalu atortussaajunnaarsitsisarneq pillugit maleruagassanik erseqqinnerusunik naalakkersuisut aalajangersaanissaannut piginnaatitsissumik suliaqarsinnaanerit tunngavissikkumallugit.

Kiisalu pineqaatissiisarnermut aaliangersakkat ilaneqarnissaat aamma pisariaqartinneqarmat Partii Naleqqamiit tapersiilluta taama naatsumik oqaaseqarluta suliap aappassanneernissaanut ataatsimiititaliami susassaqarfiusumi suliarineqarnissaa inassutigaarput.

Anthon Frederiksen